



04. august 2009

UKA2009/49

Inatsisartut suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiuppara:

Kinguaassiuutitigut atorerlunneqarsimasunut katsorsaavissamik pilersitsinissamut naalak-kersuisut suliaqaqqullugit Inatsisartut aalajangiiffissaattut siunnersuut.

(Inatsisartunut ilaasortaqaq Aleqa Hammond, Siumut)

Tunngavilersuut:

Kalaallit Nunatsinni ukiuni kingullerni arlaqalersuni ilisimalerparput ajoraluartumik kinguaassiuutitigut atorerlunneqarsimasut amerlaqisut.

Ilisimatuussutsikkut misissuinerit allarpassuillu maanna ilisimasatigut takussutissat pigilereerpavut. Kingullertigut saqqummersinneqartoq taasariaqartoq tassaavoq Kalaallit Nunaanni Meeqqat Pillugit Nalunaarusiaq, taassuma takutippaa ajornartorsiut annertoorujussuusoq, arnallu angutillu amerlaqisut meeraallutilli kinguaassiuutitigut atorerlunneqartarsimasut ullumikkut inuttut annertuunik nanertuuteqarmata.

Innarlerneqarsimanerup kiisalu katsorsarneqarsimannginnerup kingunerisarpaa inuttut anner-tuumik misigissutsikkut artukkerneqarneq. Atorerlunneqarsimasut timikkut, tarnikkut inooqatigiinnikkullu malunniuttumik ersiuteqalersarput kingunersiaannillu amerlasuut imigassanik aalakoornartortalinnik ikiaroornartunillu atorerluisunngortarlutik.

Imigassamik aalakoornartortalimmik ikiaroornartumillu atorerluineq akiorniarlugu katsorsaa-veqarpugut, tamanna qujanarpoq. Ingerlatsineq pitsaasuvoq aammalu inuit atorerluinermiit qaqisimanermik kingorna inuttut ingerlariaqqissinnaalersarput peqqinnerusumillu inuuneqaler-sarlutik, tamanna qujanaqaaq taamaassaarluk.

Kinguaassiuutitigut atorerlunneqarsimasoq katsorsarneqanngikkuni, ajornartorsiutip qiterisaa tikiinneqarsinnaanngilaq taamaattumillu aamma ajornartorsiut qaangerneqarsinnaanani. Inuuner-lunneq, imigassartorpallaarneq ikiaroornerlu ersiutaannaasarput inuttut atukkat allat artornartut pequtigalugit, taamaammatt piffissanngorpoq inuiattut pitsaasumik ingerlariaqqiffeqassagutta kinguaassiuutitigut atorerluinerup akiorniarnerani atorerlunneqarsimasortatta katsorsar-neqarsinnaanngornissaat.

Kinguaassiuutitigut atorerlunneqarsimasut amerlasuutigut namminneq inersimasunngornermi kinguaassiuutitigut atorerluisunngorsinnaasarput, taamaammatt ajornartorsiutip atorerluinerullu kinguaariinnut ingerlaqqittarnera tamatta pisussaaffigalugu unitsittariaqarparput. Isumaqarlungalu katsorsaaveqalernikkut inuiattut sakkussaqaqalissasugut inuiaqatigiit imminut sanngiinnerusor-taminnut ikiuiumallutik iliuuseqartut aammalu ajornartorsiutip unitsinniarnanun annertuumik pingaartitsisut.

Siumumit siornatigut kinguaassiuutitigut atonerluisarnerup annerusumik akiorniarnernanut saqqummiussaqaqtarsimavugut qujanartumillu aamma naalakkersuisunit amerlasuutigut malin- niarneqaqtarsimavoq, taamaattorli oqartariaqarpunga piffissanngormat pikkorissaanerinnaat, misis- suinerinnaat oqaluserinninnerinnaallu tamaannga kipitissallugit kinguaassiuutitigullu atonerlun- neqarsimasut katsorsaavissaannik pilersitsinissaq tullinnguuppoq avaqqunneqarsinnaanngitsoq. Nerioqaanga tamanit pingaartinneqarluni tapersorsorneqarumaartoq.

Siumumiit kissaatigaarput ataatsimiititaliap susassaqaqtup siunnersuut suliarilluassagaa, aningaasatigullu kingunerisassai qulaajarluarlugit.